

Gasteizko Gobernu osaketa berria

Jauregi: «Karga nazionalista oro kendu dugu aurreko programatik»

EAJ-PSOE akordioak Espainiako politikan eragina duela dio buruzagi sozialistak

Ramon Jauregik atzo azaldu zuenez, «aurreko programatik karga ideologiko nazionalista guztia» kendu du PSE-PSOEek Gasteizko Jaurlaritzan sartuz. «Sozialistekin beste era bateko politika egiten dela azalduko dugu» dio Jauregik bere alderdia gobernuan sartu eta ordu gutxitara.

DONOSTIA

EAJ eta EE alderdiek EAEko Gobernurako PSE-PSOEekin izenpetu duten programa berriak «planteamendu sozialisten eduki inportantea» duela uste du Ramon Jauregi, sozialisten idazkari nagusiak. «Programa erabat desberdina da, ez du aurrekoarekin zerikusirik» adieraz du Vasco Press agentziak zabaldu-tako elkarrizketan.

«Aurreko gobernutik kendu egin dugu karga ideologiko nazionalista guztia, frentismo ideologikoaren klabeen zegoen karga guztia, bai hizkuntza arloan, kulturalen... Arrazoiaren lengoia ekarri dugu, errealismoarena» azaltzen du buruzagi sozialistak.

Espainiako konstituzioari eta Gernikako Estatutuari buruzko elementu berriak ere sartu direla dio. «Argitasun handia emango du honek etorkizunari begira, ambiguitaterik ez duelako eta iritzi publikoari segurtasun handia emango duelako» zehazten du Jauregik.

PSE-PSOEek Gasteizko Jaurlaritzar bueltatzarekin duen asmoari buruz, «sozialistekin beste era bateko politika egiten dela herri honetan azalduko dugu» dio Ramon Jauregik. «Aurreko legealdian nagusi izan



Ramon Jauregik ez du oraingo gobernuan parte hartuko.

JOSE SIMAL.

ziren baloreak berreskuratuko dira, hau da moderazioarako joera egongo da politikan, pragmatismo eta erre-
lismoarako joera» zehazten du.

Aurreko hirukoitzaren porrota, EAJ-EA-EE, eta Ardanzak gober-nukide berri bat aurkitzeko izan duen beharraren ondorio bezala zera ater-
ratzen du Jauregik: «EAJ izan da okertu dena, EAJ eta lehendakaria dira iritzi publikoaren aurrean porrot egin duen operazioaren erantzule bezala agertzen direnak».

**«ESPAINIAKO
POLITIKAN
ERAGINA»**

Euzko Alderdi Jel-tzalearekin EAEn lortu den akordio

politikoak «dudik gabe, Espainiako politikan, hitzarmen autonomikoan eta bi alderdien arteko harremanetan izango du eraginik» dio PSE-PSOEko idazkari nagusiak. «Gure negoziazioaren azpian dago hori ere, baina ez formalki edo espreski» gaineratzen du.

Datozen hauteskundeen ostean PSOEek Madrilen beharrezko izan dezakeen laguntzan pentsatu dela onartu du, baina ezin dela oraingoz ezer aurreratu. «Orduan zer gertatzen den ikusi beharko da, baina EAJ-PSOE paktuak funtzionatzen jarraituko du hauteskunde horiek datozenean ere» adierazi du.

✓ «Euskadiko Ezkerrarekin hurbilketa ideologikoa egotea nahi dut»

Euskadiko Ezkerrak gobernuan jarraitzearen inguruan, EAJk horrela nahi zuela eta ez zegoela kanporatze-
ko arrazoirik dio Jauregik. «Gainera, PSOE eta EEk desenkuetro historia bat izan dute, eta horrek nik nahi dudana hurbilketa ideologikoa ekar dezake» uste du.

**AUTOBIDEA
ETA
AJURIA ENEA**

Iruztzun-Andoain autobidearen inguruan, «ez dago gure kalkuloetan bitarteko irtenbide bat bultzatzea» azaldu du buruzagi so-
zialistak. «Uneotan A-2 bultzatzea da gure jarraia politikoa eta horrela izaten jarraitzea espero dut» dio.

Jose Maria Benegas PSE-PSOEko lehendakariak ere autobidea izan zuen aipagai herenegun, gobernu programa izenpetu eta gero. Bere alderdiak Batzar Nagusietan A-4 al-
ternatibari ezezkoa emango diola esan zuen. «Uneotan hori da gure jarrera», esan zuen Benegasek.

Ajuria Eneako itunaren bilera berri bat egiteko denbora gehiago utzi behar dela pasatzen uzten du. «Elkar-
rizzketa, ezerreko eskua, behar da giza kontaktuei eta baita politikoei ere berriro ekiteko» adierazten du. Dena den, hitzarmenak funtziona-
tzen jarraitu behar duela ziurtatzen du, «norbaitek bere kontra egiteko asmoa duela ikusiz gero, joateko aukera eta arriskua onartu behar du-
gu». Lurraldea-Galdos akordioak Ajuria Eneako hitzarmenaren kontra egin duenik ez du uste. «Asunto honetan hitzarmena ez da ongi erabili izan».

**Ardanzaren
konfidantza mozioa
«beharrezkotzat» jo
du Mayor Orejak**

DONOSTIA

Gregorio Ordoñez, Gipuzkoako PPko lehendakariaren iritziz, EA-Jren estrategia politikoa izan da, sortu berri den Gasteizko gobernuaren eraketa orain arte eragotzi duena. Zentzu honetan, Ordoñez bat etorri zen atzo Jaime Mayor Oreja alderdikidearekin, horrek hiritarrentzako urtebeteko galera ekarri zela azpimarratzen. Hala ere, urtebeteko galera hori, lau urtez luzatzeko esperantza zuela gaineratu zuen Ordoñezek.

EAJ eta PSOE gobernuan bildu dituen koalizio berriaren muina ber-
ritz, interes politikoen batuketara soila besterik ez da Gipuzkoako PPko lehendakariarentzat. «EAJ-PSOE paktua, Madrileko gobernuan PSOEri itzuli beharko dion mese-
dearen truke, EAJk Eusko Jaurlaritzan eskuratu duen berme politikoa da», esan zuen Ordoñezek hitzez hitz.

EAEko mapa politikoa zein den garbi utzi du aurreko gobernuaren apurketak eta berriaren sorrerak. Ho-
rrela, eta Ordoñezek esanetan, «Ezker abertzalean, HB eta EA gelditu dira, orain helburuak batuta, lortzeko moduetan soilik bereizten bait dira. Gero EAJ eta PSOE, boterea elkarbanatzeko aukera duten artean, ba-
tera jarraituko dutenak, eta azkenik gu, oraindik eguneroko lanari loturik asko haziko garenak», azaldu zuen.

**GAL epaia errekurritu
du Akusazio
partikularrak**

MADRIL

Miguel Castells GALen atentatu-
tuetan zauritutakoen senideen aku-
sazio pribatuaz arduratzen den abo-
katzu Jose Amedo eta Michel Do-
minguez kondenatu zituen eraba-
kiaren aurkako errekurtsioa aurkeztu
zuen atzo, Epaimahaiak «froga az-
terketan huts egin zuela» argudiatu-
ta.

Erabakiaren arabera GAL era-
kundera ez zen «Estatu barruan txer-
tatutako botere taldea» eta ezta «tal-
de armatua» ere; aitzitik Entzutegi
Nazionalako epaileen ustez GAL
«legez kanpoko elkarte» baino ez
zen.

Miguel Castellsek aurkeztutako
errekurtsioaren arabera Judiziamen-
du Kriminalaren Legearen 849. arti-
kulua hausten du epaiak, «froga ba-
loratzean huts» egin dutelako eta be-
raz «epailearen hutsa» frogatzen de-
lako.

Errekurtsioa aurkezteko idazkian
Castellsek azaltzen duenez, forma
urratzeagatik errekurrituta, epaiek
berriro egitea ez eskatzeko arrazoia
«kontrako emaitza» ekarriko lukeela
da, bi poliziek lau urteko badaezpa-
dako gartzelaratzea beteta, kalean
geldituko bait litzateke.

Salaketa pribatuko abokatuak 461
urte eta lau hilabetetako zigorra es-
katu zuen bi polizientzat.

Bihar izendatuko ditu PSOEek dagozkion bost sailburuak

GASTEIZ

PSE-PSOEko exekutiba bihar bil-
duko da Bilbon Jaurlaritzako bost
sailbiri berriak izendatzeko. Ramon
Jauregi sozialisten idazkari nagusiak
zerrenda bat aurkeztuko du berak
proposatzen dituen izenekin, gero
exekutibak emango du azken hitza.
Jauregik gobernu hitzarmena sinatu
eta gero adierazi zuenez, orain arte
zabalduko izenak «zurumurrak»
baino ez dira, fidagarritasun gutxi-
koak.

Jauregi bera ez da Jaurlaritzan
izango, baina bai, ordea, Fernando
Buesa. Arabako diputatu nagusi
ohiak Jaurlaritzako bigarren lehen-
dakaritzaordetza eskuratu du, eta
horrez gain seguruenik, Lan eta Osa-

sun saila zuzenduko du. Beste lau
karguetarako hainbat izen aipatu di-
ra, Redondo Terreros, Jose Ramon
Rekalde, Jose Antonio Maturana eta
Jose Luis Avila beste batzuen artean.
Jauregik bizkaitarren ordezkartza
neurtuko du azken erabakia hartze-
ko. Jauregi lehendakariorde izan zen
EAJrekin osatu zuen azken gober-
nuan. Orain PSEren zuzendaritzan
egotea nahiago duela iragarri du.

Datorren asteartean gobernu
kontseilua bilduko da, azkena egun-
go kontseilarietako. kargua noiz har-
tuko duten jakitera eman ez den
arren, aste honetan izango da. Kon-
tseilaritzak osatu bezain pronto
Lehendakariak konfidantzaren ez-
tabaida noiz egingo den iragarriko
du.

Arzalluz eta Ardanzak Alderdi Egunean hitzegingo dute gaur

BILBO

Xabier Arzalluz EAJko Euzkadi
Buru Batzarreko lehendakariak eta
Jose Antonio Ardanza Gasteizko
Gobernukoak gaur hitzegingo dute
jeltzaleen aurrean, Gasteizko Sal-
buruako zelaian izango den Alderdi
Egunean. EAJko militanteek be-
raz, bi buruzagien ahotan entzungo
dituzte gobernu berriaz emango di-
tuzten azalpenak.

‘Europa Irabazi’ lema izango du
EAJk urtero burutzen duen Alderdi
Egunaren aurtengo edizioak, «Eu-
roparen erretoaren garrantzia azpi-
marratu nahirik», Joseba Egibar
EAJko eledunak egun hau aurkez-
tean jakin erazi zuenez.

Alderdi Eguna 91ren egitaraua ze-

laian bertan izango den mezarekin
hasiko da. Ondoren, herri kirola eta
txistulariak izango dira. Jesus In-
sausti, ‘Uzturre’ jeltzale historikoak
ikurrina altxatu eta gero, ostera, eki-
taldi politikoa izango da. Bi buruzagi
jeltzaleez gain, Xabier Iraola EGiko
buruzagiak ere parte hartuko du.

Gasteizko Jaurlaritzaren osaketa
berriaren inguruan aritu zen herene-
gun gauean Arzalluz Arteako bile-
ran. PSE-PSOEekin «negoziazio
iraunkorrak» egongo direla ziurtatu
zuen. Estatutua izan zuen bereziki
aipagai «eduki estatutarioetan hur-
bilketa bilatzeko etengabekoa izan-
go da negoziazioa». Hezkuntza Saila
ere aipagai izan zuen «beharrezkoa
da alde interesatu guztiak mahai ba-
tean jarri eta kontsentsua lortzea».